


PRIMLJENO: 11.12.2019			
Opć. jed.	Broj	Prilog	Vrij. mjest
01-GV-02-	1336		19

**Grad Sarajevo**  
**Gradsko vijeće**  
**Gosp. Nuko Grebović**  
**Vijećnik grada Sarajeva**

## A M A N D M A N NA BUDŽET GRADA SARAJEVO

Molimo Vas da za Košarkaški Klub Željezničar - Sarajevo u budžetu obezbjedite 24.000,00 KM sa stavke viška prihoda-rashoda ili stavke tekućih rezervi s obzirom da tokom agresije na Bosnu i Hercegovinu i poslije agresije nikad nisu prestajali sa radom i aktivnostima, te višegodišnji prvaci i pobjednici KUP-a BiH su ujedno i nosioci 6. Aprilske nagrade Grada Sarajevo, osigurana sredstva će biti transparentno utrošena i rashodovana kroz državana i gradska takmičenja svih selekcija Košarkaškog Kluba Željezničar.

Iskreno sa nadamo Vašem razumjevanju na čemu vam se unaprijed zahvaljujem.

Vijećnik,  
  
Gosp. Nuko Grebović

11.12.2010

Datum: 11.12.2019			
Broj, Jod. i Broj	Priredio		Vrijednost
01-GR-02-1337/19			

Nuko Grebović  
Gradski vijećnik

*AMANDMAN NA BUDŽET GRADA ZA 2020. GODINU*

Molim vas da se za Filozofsko društvo *Theoria*, kao budžetska stavka, obezbijede sredstva u iznosu od 8000 km, sa stavke "Tekuće rezerve" ili "Rashodi i prihodi".

GRADSKI VIJEĆNIK



Nuko Grebović

Sarajevo, 11. 12. 2019. godine

**Predsjedavajućem Gradskog Vijeća**

n/r dr Igor Gavrić, predsjedavajući

n/p Gosp. Abdulah Skaka, Gradonačelnik

Bosna i Hercegovina-Federacija Bosne i Hercegov.  
Kanton Sarajevo - GRAD SARAJEVO  
GRADSKO VIJEĆE

PRIMLJENO: 12-12-2019			
Org. jed.	Broj	Prilog	Vrijednost
01-CV	02-1344		15

### **Amandman na Prijedlog Budžeta Grada Sarajeva za 2020. godinu**

U Prijedlogu Budžeta Grada Sarajevo za 2020. godinu u Glavi Grantovi neprofitnim organizacijama – konto 614300

- U tački 14. Vijeće Kongresa bošnjačkih intelektualaca planirani iznos od 5.000 KM povećati na 10.000 KM;
- Dodati tačku 14a. VKBI-sufinansiranje XI toma enciklopedijskog Rječnika bosanskog jezika autora akademika prof.dr. Dževada Jahića u iznosu od 10.000,00 KM

Alternativa:

- U tački 14. VKBI planirani iznos od 5.000 KM povećati na iznos od 20.000 KM

Nedostajuća sredstva od 15.000 KM kojim bi se uvećala gore predložena pozicija, u Prijedlogu Budžeta za 2020. godinu, umanjiti na slijedećim pozicijama:

- Ekonomski kod 613900 Ugovorene usluge - umanjiti za 5.000 KM sa planiranih 2 miliona 14 hiljada i 358 KM na 2 miliona 9 hiljada i 358 KM;
- Konto 614100 tačka 16. Sufinansiranje Sarajevo film festivala – umanjiti za 5.000 KM sa planiranih 200.000 KM na 195.000 KM;
- Konto 614300 red.br. 28 Grantovi za nepredviđene izdatke – umanjiti za 5.000 KM sa planiranih 50.000 KM na 45.000 KM;  
Ili 10.000 KM obezbjediti umanjenjivanjem po 5.000 KM na kontu 614300 red.br. 42. i 49. FK Sarajevo i FK Željezničar, pa planirani iznos od po 100.000 KM planirati sa po 95.000 KM

### **Obrazloženje**

U ranijim godinama Grad Sarajevo je podržavao rad VKBI, tačnije administrativno režijske troškove VKBI sa iznosom od 10.000 KM. To znači cca 850 KM mjesečno za troškove grijanja, struje, telefona, čišćenja, bankarske usluge, prevoza, održavanja i sl. Iz nepoznatih razloga ovaj iznos je u Nacrtu Budžeta za 2020. godinu smanjen na 5.000KM. Nakon dopisa i molbe VKBI-a da se ovaj iznos ne umanjuje, Gradonačelnik i nadležne gradske službe su u Odgovorima na javnu raspravu dostavili odgovor da se djelimično prihvata primjedba i da se planira 5.000 KM. Ostaje nejasno šta se prihvatilo u javnoj raspravi kada je ovaj iznos od 5.000 KM stajao i u Nacrtu Budžeta. Obzirom da VKBI broji preko 170 članova, od čega preko

130 članova koji su redovni profesori univerziteta u BiH, akademici, docenti, posebno UNSA, čime je VKBI najbronije nevladino udruženje iz reda akademske zajednice u Bosni i Hercegovini, cijenimo odgovornim i pristojnim da se podrška za „hladni pogon“ odnosno sam rad VKBI – administrativni-režijske troškove zadrži na do sada dostignutom nivou od 10.000 KM. Inače troškovi samog rada VKBI godišnje iznose cca. 75.000 KM.

Drugi dio Amandmana odnosi se na sufinansiranje XI toma enciklopedijskog Rječnika bosanskog jezika autora Dževada Jahića, njegovih stručnih saradnika. Izrada jednog toma, njegova tehnička priprema i štampa na bazi 500 primjeraka iznosi cca. 75.000,00 KM. Nažalost, zbog ne postojanja nacionalnih javnih institucija ili ustanova kao što su Institut za bosanski jezik BiH, ne mogućnosti ANUBiH, UNSA ili matičnog fakulteta da stanu iza ovog projekta, ovaj nacionalni kapitalni projekat radi pojedinac sa saradnicima a finansira se prikupljanjem sredstava iz različitih izvora. Tragi-komična situacija, jer ovakvi projekti u nama susjednim državama rade se putem državnih ministarstava nauke, kulture, nacionalnih akademija, instituta. Primjera radi, encilopedijski Rječnik hrvatskog jezika koji se sastoji od XII tomova /manjeg formata od Rječnika bosanskog jezika/ radio je tim od 9 doktora nauka i akademika i preko 20 stručnih saradnika. Cijena koštanja jednog toma bila je nekoliko puta viša nego jedan tom enciklopedijskog Rječnika bosanskog jezika.

Do sada, u izradi prvih X tomova /X je u izradi i završnoj fazi/, Grad Sarajevo, u kojem se preko 90% građana izjasnilo na zadnjem Popisu stanovništva 2013. godine da im je **maternji jezik bosanski**, nije IZDVOJIO U PRETHODNIM GODINAMA NITI JEDNU KM. Ovaj projekat se radi već devetnaest godina. Tijela Gradskog Vijeća Odbor za društvene djelatnosti i Komisija za Statut i akte svojim zaključcima podržali su i podnijeli inicijativu da se ovaj projekat podrži prilikom izrade Budžeta Grada Sarajeva za 2020. godinu.

Smatramo veoma važnim, posebno zbog činjenice da se ovakvi projekti u pravilu rade jednom u stotinu godina, a rjeđe svakih pedeset, da se Grad Sarajevo uključi u sufinansiranje XI toma, ali da ova stavka bude obavezujuća i u svim narednim godinama, do okončanja izrade Rječnika koji bi se trebao sastojati od 18 tomova.

Bilo bi za očekivati da Grad Sarajevo samostalno kao glavni Grad Bosne i Hercegovine preuzme na sebe finansiranje jednog čitavog toma, posebno što se budžetima Grada Sarajevo planiraju sredstva od više desetina i stotina hiljada KM za manifestacije i aktivnosti koji su kratkotrajnog karaktera, za razliku od ovog kapitalnog nacionalnog projekta koji ostaje trajna pisana naučna građa za sve generacije koje dolaze.

Sarajevo, 12.decembar 2019. godine

### **Podnosioc amandmana**

Miro Lazović, gradski vijećnik

Deljković Vedad, gradski vijećnik

SDA

Bosna i Hercegovina-Federalna Bosna i Hercegovina  
Kanton Sarajevo - GRAD SARAJEVO  
GRADSKO VIJEĆE

PRILJEŽJE: 13-12-2019			
Opć. jed.	Broj	Prijava	Upravitelj
01-GR	02-1350	19	

Gradsko vijeće Grada Sarajeva

n/r predsjedavajućeg g. Gavrić Igora

Predmet: Amandman na prijedlog Budžeta Grada Sarajeva

#### AMANDMAN

Na kodu 614300, Grantovi neprofitnim organizacijama, u stavci 46 uvećava se predloženi iznos za 7 000,00 KM tako da stoji: Sufinansiranje programskih aktivnosti i dijela režiskih troškova „Balkanskog mevlvijskog istraživačkog centra“ 12 000,00 KM, a navedena sredstva se obezbjeđuju sa koda 614400, stavka 8, Projekat utopljanja fasada na području Grada Sarajeva, tako da se iznos sredstava od 90 000,00 KM umanjuje za 7 000,00 KM.

Obrazloženje: Mevlvijski kulturni centar na Jekovcu poklon je bratske općine Konja. U njemu se redovno održavaju razne edukativne i kulturne aktivnosti. Posebno ističem sedmična predavanja iz Mesnevice i Divana Hafiza Širazija, te promocije knjiga kojima prisustvuje veliki broj sugrađana. Također, tu se održavaju kursevi kaligrafije, ebru, vezenja, rezbarije. Mevlvijskim centrom upravlja Udruženje „Hadži Mujaga“, ali to udruženje nije u mogućnosti da samo snosi troškove plaćanja električne energije, održavanja objekta i druge troškove. Posebno napominjem da svo osoblje vezano za ovaj kulturni centar vrši svoju dužnost volonterski, bez bilo kakve naknade, nema niti jednog zaposlenog koji prima plaću ili neke druge beneficije. S obzirom na to da je djelovanje ovog centra od interesa za Grad Sarajevo, posebno jer je to poklon bratskog grada Konje neprihvatljivo je da se centar zatvori. Zato predlažem podršku na godišnjem nivou od 12.000,00 KM.

S poštovanjem,

Gradski vijećnik

*Deljković*

Vedad Deljković

PRILOG	13-12-2019		
Org. broj		Prilog	Vrijednost
01-CV-02-1351			19

PROF. DR. VELIJA KATICA  
GRADSKI VIJEĆNIK

**GRAD SARAJEVO**  
**GRADSKO VIJEĆE**  
**N/P Predsjedavajući Gradskog vijeća**

**Predmet: Amandmani na Prijedlog budžeta Grada Sarajeva za 2020. godinu**

U skladu s članom 124. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), podnosima

**Amandmane  
na Prijedlog Budžeta Grada Sarajeva za 2020. godini**

**I.**

U članu 2. Prijedloga Budžeta Grada Sarajeva za 2020. godinu na razdjelu: „Izdaci“, na ekonomskom kontu **614300 Grantovi neprofitnim organizacijama**, dodaje se nova stavka **Fudbalski klub Jug Sarajevo- sufinansiranje aktivnosti kluba za takmičenje u Kantonalnoj ligi Kantona Sarajevo u 2020. godini**, u koloni „Budžet 2020“, uz ovu stavku dodaje se iznos „**5.000,00 KM**“.

**Obrazloženje:**

Amandman se predlaže u roku, po proceduri i u formi u svemu u skladu s članom 124. Poslovnika Gradskog vijeća.

Podnesenim Amandmanom u tački I, predlaže se utvrđivanje plana sredstava Grada Sarajeva, u segmentu Grantovi neprofitnim organizacijama za 2020. godinu, tako da se planiraju sredstava kojim će Grad Sarajevo u 2020. godini podržati rad Fudbalskog kluba Jug Sarajevo za aktivnosti kluba za takmičenje u Kantonalnoj ligi Kantona Sarajevo u iznosu od **5.000,00 KM**. To je jedan od najstarijih fudbalskih klubova u Gradu Sarajevu.

**II.**

U članu 2. Prijedloga Budžeta Grada Sarajeva za 2020. godinu na razdjelu: „Izdaci“, na ekonomskom kontu **614300 Grantovi neprofitnim organizacijama**, dodaje se nova stavka **Fudbalski klub Bosna Sarajevo- sufinansiranje aktivnosti kluba za takmičenje u Kantonalnoj ligi Kantona Sarajevo u 2020. godini**, u koloni „Budžet 2020“, uz ovu stavku dodaje se iznos „**5.000,00 KM**“.

Podnesenim Amandmanom u tački II, predlaže se utvrđivanje plana sredstava Grada Sarajeva, u segmentu Grantovi neprofitnim organizacijama za 2020. godinu, tako da se planiraju sredstava kojim će Grad Sarajevo u 2020. godini podržati rad Fudbalskog kluba Bosna Sarajevo za aktivnosti kluba za takmičenje u Kantonalnoj ligi Kantona Sarajevo u iznosu od 5.000,00 KM. To je jedan od najstarijih fudbalskih klubova u Gradu Sarajevu.

**Napomena:**

**Podržavam i finansiranje snimanja filma i publikacije „Sarajevska žičara“ u iznosu od 35.000,00 KM.**

**III.**

U članu 2. Prijedloga Budžeta Grada Sarajeva za 2020. godinu na razdjelu: „Izdaci“, na ekonomskom kontu 614300 Grantovi neprofitnim organizacijama, dodaje se nova stavka Dječiji hor „Princess Krofne“, u koloni „Budžet 2020“, uz ovu stavku dodaje se iznos „5.000,00 KM“.

Podnesenim Amandmanom u tački III, predlaže se utvrđivanje plana sredstava Grada Sarajeva, u segmentu Grantovi neprofitnim organizacijama za 2020. godinu, tako da se planiraju sredstava kojim će Grad Sarajevo u 2020. godini podržati rad Dječijeg hora „Princess Krofne“ za aktivnosti udruženja na području Grada Sarajevau iznosu od 5.000,00 KM. To je jedini dječiji hor sa specifičnom namjerom u Gradu Sarajevu.

**Napomena:**

**Podržavam i finansiranje snimanja filma i publikacije „Sarajevska žičara“ u iznosu od 35.000,00 KM.**

**Obrazloženje:**

Amandman se predlaže u roku, po proceduri i u formi u svemu u skladu s članom 124. Poslovnika Gradskog vijeća.

**U Sarajevu, 13.12.2029. godine**

**GRADSKI VIJEĆNIK**

**Prof. dr. Velija Katica  
Nuko Grebović  
Srđan Srdić**

.....

## **Amandmani na budžet u 2020. godini**

Velija Katica [velijkatica@gmail.com]

**Poslano:** 13. prosinca 2019. 12:20:05

**Prima:** gsgv

**Privici:** Amandmani na Budžeta Grad~1.docx (18 kB)

amandmani na budžet u 2020. godini.  
prof. dr Velija Katica





Politička organizacija građana "Naša stranka"  
Branilaca Sarajeva 5/1, 71 000 Sarajevo  
Telefon: 033 408 888; Fax: 033 408 881  
E-mail: nasastranka@nasastranka.ba  
Web: www.nasastranka.ba

PRIMLJENO:		13-12-2019	
Org. jed.	Proj.	Prilog	Vrijednost
01-02-02	1352		19

Sarajevo, 13.12.2019..

NAŠA STRANKA  
KLUB GRADSKIH VIJEĆNIKA NAŠE STRANKE

BOSNA I HERCEGOVINA  
FEDERACIJA BOSNA I HERCEGOVINA  
KANTON SARAJEVO  
GRAD SARAJEVO  
N/r Gradonačelnika grada Sarajeva  
N/r Predsjedavajući Gradskog vijeća Grada Sarajeva

PREDMET: AMANDMANI NA PRIJEDLOG BUDŽETA GRADA SARAJEVO ZA 2020.  
GODINU

Poštovani,

Na osnovu člana 116. i 124. Poslovnika Gradskog vijeća Grada Sarajeva, kao gradski vijećnik, a u ime Kluba gradskih vijećnika Naše stranke, predlažem slijedeće amandmane na Prijedlog Budžeta Grada Sarajeva za 2020. godinu:

#### **Amandman I**

**U Prijedlogu Budžeta Grada Sarajeva za 2020. godinu predviđeno je na kontu 614400 podizanje spomenika od značaja za grad Sarajevo u iznosu od 20.000,00 KM. Obzirom da su sredstva za planirane spomenike nedostatna, predlažemo povećanje stavke na 100.000,00 KM, a nedostajuća sredstva se preusmeravaju sa konta 615500, projekat hotela Vidikovac u iznosu od 80.000 KM.**

#### **Obrazloženje:**

**Obzirom da je programom rada predviđeno podizanje spomenika i spomen ploča na Kazanima, Kemal Montenu i Dariu Džamonji, borcima poginulim na Vidikovcu itd, potrebno je obezbijediti sredstva za kompletno i konačno uređenje navedenog.**

## **Amandman II**

Na kodu 614200 predvidjeno je stipendiranje učenika srednjih škola u iznosu od 100.000 KM. Obzirom da je projekat uspješan, i da je dao vanredne rezultate, pogotovo što jako veliki broj učenika korisnika stipendije dolazi iz srednjih stručnih škola, predlažemo da se iznos poveća na 200.000 KM.

Sredstva obezbjediti sa konta 614100 sredstva za vjerske zajednice i crkve u iznosu od 50.000 KM, te konta 613900 ugovorene usluge u iznosu od 50.000 KM.

### **Obrazloženje :**

Stipendiranje učenika je jedna od najvažnijih poruka da mislimo na generacije koje dolaze.

## **Amandman III**

Na kontu 614100 otvoriti stavku nabavka neophodne tehničke opreme za PU Centar prema specifikaciji u iznosu od 30.000 KM. Sredstva obezbjediti sa konta 614200 Koncert povodom završetka ljetne sezone u iznosu od 30.000 KM.

### **Obrazloženje:**

PU Centar je najopterećenija policijska uprava u gradu Sarajevu. Sve važne institucije, ambasade, škole, fakulteti, važni sportski i kulturni događaji se nalaze na prostoru općine Centar. Stoga, razumno je dati podršku nabavci neophodne opreme.

## **Amandman IV**

Na kontu 614100 otvoriti stavku nabavke neophodne opreme za Vatrogasnu jedinicu Bjelave u iznosu od 30.000 KM. Sredstva obezbjediti sa konta 613100 Putni troškovi u iznosu od 30.000 KM.

### **Obrazloženje:**

Dobrovoljno vatrogasno društvo Bjelave jedno je od najstarijih društava u gradu Sarajevu. Njihove aktivnosti, pregalaštvo i složeni uslovi rada iziskuju kvalitetnu i profesionalnu opremu kako bih mogli odgovoriti svim zadacima koji se pred njih stavljaju. Stoga ulaganje u opremu je ulaganje u sigurnost i aktivnosti na koje vatrogasci prvi reaguju-požari, poplave, spašavanje itd.

## **Amandman V**

U prijedlogu Budžeta za 2020. Godinu ubaciti u Budžet za 2020. godinu na kontu 615500 ubaciti kupovinu stana za KJU Dom za djecu bez roditeljskog staranja koji će se staviti bez naknade na korištenje Ustanovi za smještaj djece-štićenika u procesu deinstucionalizacije u iznosu od 150.000 KM. Sredstva obezbjediti sa konta 615500 Projekat Hotel Vidikovac u iznosu od 150.000 KM.

### **Obrazloženje:**

Dječji dom Bjelave je dom kroz koji su prošle generacije djece uskraćene za roditeljstvo. Naša je obaveza je da im omogućimo, između ostalog, i mogućnost procesa deinstitucionalizacije, kako bi i tim činom osjetili pažnju i brigu za njih.

#### **Amandman VI**

U Prijedlogu Budžeta grada Sarajeva za 2020 na kontu 614400 otvoriti stavku Uređenje fasade vrtića Slavuj u iznosu od 50.000 KM. Sredstva obezbjediti sa konta 614800 sudske presude u iznosu od 20.000 KM, te konta 614300 Nepredvidjeni izdatci u iznosu od 30.000 KM.

**Obrazloženje:**

Zgrada vrtića je izgrađena u 19. stoljeću. Fasada objekta se obrušava i predstavlja opasnost za djecu. Potrebna joj je sanacija. Najpreča je sigurnost djece, ali vrijedi naglasiti i da je objekat pod zaštitom te smatram da i ta činjenica treba dodatno ubrzati proces obnove fasade u skladu sa standardima koje takvi objekti zahtijevaju“

#### **Amandman VII**

U prijedlogu budžeta za 2020. Godinu otvorena je stavka na kodu 614400 Projekat rekonstrukcije, restauracije i kolorističke obrade fasada u gradu Sarajevu u iznosu od 250.000 KM. Ovaj iznos treba povećati na 300.000 KM. Sredstva namaknuti sa konta 613900 u iznosu od 50.000 KM, te ih usmjeriti na rekonstrukciju i restauraciju kompleksa Marijinog dvora ili ulice Kaptol.

**Obrazloženje:**

Obzirom da su projekti sa ovog koda uglavnom rađeni na području općine Stari grad, pretpostavljamo da ništa manje nisu vrijedni ni objekti sa drugih gradskih općina. Kompleks Marijin dvor je jedan od najznačajnijih objekata iz tog perioda, i nalazi se u centralnoj gradskoj zoni, te zavrijeđuje napokon da mu se posveti pažnja gradske uprave. U ulici Kaptol nalazi se nekoliko zgrada koje su od izuzetne vrijednosti i njihova restauracija treba doprinijeti njihovoj sigurnosti .

#### **Amandman VIII**

Na kontu 615000 treba dodati novu stavku OBNOVU CAREVE ĆUPRIJE u iznosu od 50.000 KM. Sredstva obezbjediti sa konta 613900 grad Sarajevo-ugovorene usluge i smanjiti za 50.000 KM.

**Obrazloženje:**

Nekoliko stručnih ljudi je ukazalo da je most Careva ćuprija građen sa AB konstrukcijom ,među prvima u Evropi. AB konstrukcija je nosiva ako je armatura dobro zaštićena betonom. Medjutim ,golim okom, snimcima i stručnim uvidom vidi se da armatura propada i zahrđava u većem dijelu., te nosivost nestaje a konstrukcija popušta. Dobili smo i odgovor na vijećničku inicijativu u kojem se nedvosmisleno kaže da je to najugroženiji most u gradu Sarajevu.

#### **Amandman IX**

Na kontu 614400 treba otvoriti stavku implementacija Pariške deklaracije u iznosu od 15.000 KM. Sredstva namaknuti sa 614300 Finansiranje parlamentarnih grupa u iznosu od 15.000 KM.

Obrazloženje:

Obzirom da je grad Sarajevo potpisnik Pariške deklaracije, zaključkom koji je donešen u odluci, u obavezi je aktivno se uključiti i formirati radnu grupu te sprovesti određene aktivnosti.

Amandman X

Na kontu 614400 otvoriti novu stavku Smart city-led rasvjeta projekat Maršala Tita i Ferhadija(od Katedrale do raskršća na Marindvoru) u iznosu od 150.000 KM. Sredstva obezbjediti sa konta 615000 Hotel Vidikovac u iznosu od 150.000 KM.

Obrazloženje:

Grad Sarajevo je prepoznatljiv po užoj gradskoj jezgri koja se proteže na potezu koji je naveden. Svjedoci smo da su mjerenja pokazala da je rasvjeta na tom potezu iznimno slaba, i ne zadovoljava ni osnovne standarde o energetskej efikasnosti. Vrijeme je da grad Sarajevo pokaže da može aktivno raditi na projektima koji omogućavaju uštedu energije, racionalnu potrošnju i prije svega lijepi ambijentalni izgled jedne od najljepših šetnica u gradu.

AMANDMAN XI

Na kontu 614400 predviđeno je utopljavanje objekata u iznosu od 90.000 KM. Predlažemo da taj iznos ostane na nivou iz 2019. Godine tj. 262.000 KM. Razliku nedostajućih sredstava namaknuti iz konta 615000 Hotel Vidikovac u iznosu od 172.000 KM.

Obrazloženje :

Svjedoci smo da na području četiri gradske općine postoji veliki broj objekata korisnih za društvo-škole,fakulteti,vrtići,zdravstvene ustanove koje po vokaciji svog djelovanja služe opštem dobru. Stoga svaka uložena marka u ovaj projekat znači toplji prostor,čistiji grad i ispunjavanje zacrtanih ciljeva u projektima energetske efikasnosti.

S poštovanjem,

Samir Fazlić

Predsjednik Kluba gradskih vijećnika Naše stranke



Tea Mušić, gradska vijećnica

GRAD SARAJEVO  
GRADSKO VIJEĆE

Bosna i Hercegovina-Federacija Bosne i Hercegovine  
Kanton Sarajevo - GRAD SARAJEVO  
GRADSKO VIJEĆE

PRIJEDLOG: 13-12-2019			
Org. jed.	Broj	Prilog	Vrijednost
01-GV-02	1353		19

Na osnovu člana 124. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), dostavljam Gradskom vijeću Grada Sarajeva na razmatranje

## AMANDMAN na Prijedlog Budžeta Grada Sarajeva za 2020. godinu

### I.

U članu 2. Prijedloga Budžeta Grada Sarajeva za 2020. godinu, na razdjelu: „Izdaci“, na ekonomskom kontu **614400 Tekući grantovi javnim preduzećima i ustanovama**, dodaje se nova stavka **40. „Izrada i montiranje vanjskih roletni na objektu JU OŠ “Hasan Kikić” Sarajevo**, a u koloni „Budžet 2020“, uz ovu stavku dodaje se iznos „**29.000,00KM**“.

### II.

U članu 2. Prijedloga Budžeta Grada Sarajeva za 2020. godinu, na razdjelu: „Izdaci“, na ekonomskom kontu **614400 Tekući grantovi javnim preduzećima i ustanovama**, dodaje se nova stavka **41. „Adaptacija i sanacija poda u fiskulturnoj sali JU OŠ „Mehmed-beg Kapetanović Ljubušak” Sarajevo**, a u koloni „Budžet 2020“, uz ovu stavku dodaje se iznos „**14.000,00**“.

U skladu s predloženim u tački I i II ovog amandmana, usklađuju se svi iznosi koji su funkcija iznosa čija promjena se predlaže, a koji se planiraju u Prijedlogu Budžeta Grada Sarajeva za 2020. godinu.

### Obrazloženje:

Amandman se predlaže u roku i u proceduri u skladu s članom 124. Poslovnika Gradskog vijeća.

Podnesenim Amandmanom u tački I, predlaže se utvrđivanje plana sredstava Grada Sarajeva, u segmentu Tekući grantovi drugim nivoima - 614100, tako da se planiraju sredstava kojima će Grad Sarajevo u 2020. godini sufinansirati **Izrada i montiranje vanjskih roletni na objektu JU OŠ “Hasan Kikić” Sarajevo** u iznosu od **29.000,00KM** iz Budžeta Grada Sarajeva za 2020. godinu.

Podnesenim Amandmanom u tački II, predlaže se utvrđivanje plana sredstava Grada Sarajeva, u segmentu Tekući grantovi drugim nivoima - 614100, tako da se planiraju sredstava kojima će Grad Sarajevo u 2020. godini sufinansirati **41. „Adaptacija i sanacija poda u fiskulturnoj sali JU OŠ „Mehmed-beg Kapetanović Ljubušak” Sarajevo**, u iznosu od **14.000,00KM** iz Budžeta Grada Sarajeva za 2020. godinu.

Podnesenim Amandmanom u tački I i II predlaže se umanjeње sredstava planiranih za realizaciju Projekta rekonstrukcije, restauracije i kolorističke obrade fasada u GS sa konta Tekući grantovi javnim preduzećima i ustanovama – 614400 za iznos potreban za uvrštavanje prijedloga iz amandmana I i II, ili sa drugog konta koji je prihvatljiv Predlagaču.

Datum: 13.12.2019. godine

Tea Mušić, gradska vijećnica



*Gradski vijećnik Dr. Igor Gavrić, predsjedavajući Gradskog vijeća*

Datum: 13.12.2019. godine

GRAD SARAJEVO  
GRADSKO VIJEĆE

Bosna i Hercegovina - Federacija Bosne i Hercegov.  
Kanton Sarajevo - GRAD SARAJEVO  
GRADSKO VIJEĆE

PRIMLJENO:	13-12-2019	
Org. jed. (broj)	Prilog	Vrijednost
01-GV-02-1354/19		

Na osnovu člana 124. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), dostavljam Gradskom vijeću Grada Sarajeva na razmatranje

## AMANDMAN na Prijedlog Budžeta Grada Sarajeva za 2020. godinu

### I.

U članu 2. Prijedloga Budžeta Grada Sarajeva za 2020. godinu, na razdjelu: „Izdaci“, na ekonomskom kontu **614100 Tekući grantovi drugim nivoima**, dodaje se nova stavka **25. „Sufinansiranje projekta Zimska čarolija na Skenderiji“**, a u koloni „Budžet 2020“, uz ovu stavku dodaje se iznos **„20.000,00KM“**.

### II.

U članu 2. Prijedloga Budžeta Grada Sarajeva za 2020. godinu, na razdjelu: „Izdaci“, na ekonomskom kontu **614100 Tekući grantovi drugim nivoima**, u stavci **12. „Sufinansiranje programskih i projektnih aktivnosti ANU BiH“**, predloženi iznos od 0.00KM u koloni „Budžet 2020.“, se mijenja tako da glasi **„25.000,00KM“**.

### III.

U članu 2. Prijedloga Budžeta Grada Sarajeva za 2020. godinu, na razdjelu: „Izdaci“, na ekonomskom kontu **614300 Grantovi neprofitnim organizacijama** dodaje se nova stavka **26. „Udruženje građana Budućnost iz Novog Sarajeva“**, a u koloni „Budžet 2020“, uz ovu stavku dodaje se iznos **„10.000,00KM“**.

### IV.

U članu 2. Prijedloga Budžeta Grada Sarajeva za 2020. godinu, na razdjelu: „Izdaci“, na ekonomskom kontu **614300 Grantovi neprofitnim organizacijama**, u stavci **51. „Projekti Humanitarno-karitativne organizacije „Kruh sv. Ante Franjevačke provincije Bosne srebrenе“**, predloženi iznos od 0.00KM u koloni „Budžet 2020.“, se mijenja tako da glasi **„15.000,00KM“**.

U skladu s predloženim u tački I, II, III. i IV. ovog amandmana, usklađuju se svi iznosi koji su funkcija iznosa čija promjena se predlaže, a koji se planiraju u Prijedlogu Budžeta Grada Sarajeva za 2020. godinu.

**Obrazloženje:**

Amandman se predlaže u roku i u proceduri u skladu s članom 124. Poslovnika Gradskog vijeća.

Podnesenim Amandmanom u tački I, predlaže se utvrđivanje plana sredstava Grada Sarajeva, u segmentu Tekući grantovi drugim nivoima - 614100, tako da se planiraju sredstava kojima će Grad Sarajevo u 2020. godini sufinansirati Projekat Zimska čarolija na Skenderiji u iznosu od 20.000,00KM iz Budžeta Grada Sarajeva za 2020. godinu.

Podnesenim Amandmanom u tački II, predlaže se utvrđivanje plana sredstva Grada Sarajeva, u segmentu Tekući grantovi drugim nivoima - 614100, tako da se planiraju sredstava kojima će Grad Sarajevo u 2020. godini Sufinansirati programske i projektne aktivnosti ANU BiH, u iznosu od 25.000,00KM, obzirom da za navedenu namjenu sredstva nisu planirana u Prijedlogu Budžeta Grada Sarajeva za 2020. godinu.

Podnesenim Amandmanom u tački III, predlaže se utvrđivanje plana sredstva Grada Sarajeva, u segmentu Grantovi neprofitnim organizacijama - 614300, tako da se planiraju sredstava kojima će Grad Sarajevo u 2020. godini podržati Udruženje građana Budućnost iz Novog Sarajeva u iznosu od 10.000,00KM, obzirom da za navedeno Udruženje nisu planirana sredstva u Prijedlogu Budžeta Grada Sarajeva za 2020. godinu.

Podnesenim Amandmanom u tački IV, predlaže se utvrđivanje plana sredstva u visini od 15.000,00KM Grada Sarajeva u segmentu Grantovi neprofitnim organizacijama - 614300 za sufinansiranje projekata HKO „Kruh sv. Ante“, tako da se planiraju sredstava kojima će Grad Sarajevo u 2020. godini finansirati projekte humanitarno karitativne organizacije 15.000,00KM, obzirom da za ovu organizaciju nisu planirana u Prijedlogu Budžeta Grada Sarajeva za 2020. godinu.

Podnesenim Amandmanom u tački I, II, III i IV predlaže se umanjeње sredstava planiranih za realizaciju Projekta rekonstrukcije, restauracije i kolorističke obrade fasada u GS sa konta Tekući grantovi javnim preduzećima i ustanovama – 614400 za iznos potreban za uvrštavanje prijedloga iz amandmana I, II, III. i IV, ili sa drugog konta koji je prihvatljiv Predlagaču.

U Sarajevu, 13.12.2019. godine

*PREDSJEDAVAJUĆI GRADSKOG VIJEĆA*

*Dr. Igor Gavrić*

PRIMLJENOST	13-12-2019	
Org. j. i. m. broj	Priloz	Vrijednost
01-05-02-1357/19		

PROF. DR. VELIJA KATICA  
GRADSKI VIJEĆNIK

**GRAD SARAJEVO**  
**GRADSKO VIJEĆE**  
**N/P Predsjedavajući Gradskog vijeća**

**Predmet: Amandmani na Prijedlog budžeta Grada Sarajeva za 2020. godinu**

U skladu s članom 124. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), podnosima

**Amandmane**  
**na Prijedlog Budžeta Grada Sarajeva za 2020. godini**

U članu 2. Prijedloga Budžeta Grada Sarajeva za 2020. godinu na razdjelu: „Izdaci“, na ekonomskom kontu **614300 Grantovi neprofitnim organizacijama**, dodaje se nova stavka Sanitacije DOO, finansiranje provođenja mjera DDD u ustanovama Grada Sarajeva, dezinfekcija kontejnera u iznosu od **5.000,00 KM**.

**Obrazloženje:**

Amandman se predlaže u roku, po proceduri i u formi u svemu u skladu s članom 124. Poslovnika Gradskog vijeća.

Podnesenim Amandmanom u tački I, predlaže se utvrđivanje plana sredstava Grada Sarajeva, u segmentu Grantovi neprofitnim organizacijama za 2020. godinu, tako da se planiraju sredstava kojim će Grad Sarajevo u 2020. godini podržati rad Sanitacije DOO, finansiranje provođenja mjera DDD u ustanovama Grada Sarajeva, dezinfekcija kontejnera u iznosu od **5.000,00 KM**.

Podnesenim Amandmanom u tački II, predlaže se utvrđivanje plana sredstva u visini od 5.000,00KM, u segmentu Grantovi neprofitnim organizacijama, za finansiranje provođenja mjera DDD u ustanovama Grada Sarajeva u 2020. godini.

**U Sarajevu, 06.12.2019. godine**

**GRADSKI VIJEĆNIK**

*Prof. dr. Velija Katica*

.....



## **dodatni amandman**

Velija Katica [velijakatica@gmail.com]

**Poslano:** 13. prosinca 2019. 14:46:58

**Prima:** gsgv

**Privici:** Amandmani na Budžeta Grad~1.docx (17 kB)

Dostavljam još jedan amandman.  
prof. dr Velija Katica

**GRADSKO VIJEĆE GRADA SARAJEVA**  
**n/r Igor Gavrić, predsjedavajući Gradskog vijeća**

PRIMLJENO		13-12-2019	
Org. jed.	Broj	Prilog	Vrijednost
01	02-1359	19	

Predmet: Amandmani na Prijedlog Budžeta Grada Sarajeva za 2020. godinu, dostavlja se

Poštovani gosp. Gavrić,

U skladu sa članom 124., a u vezi sa čl. 116. Poslovnika Gradskog vijeća Grada Sarajeva ("Službene novine Kantona Sarajevo", broj 28/09), na Prijedlog Budžeta Grada Sarajeva za 2020. godinu, a koji je dostavljen kao materijal za 34. sjednicu Gradskog vijeća Grada Sarajeva, podnosim amandmane, kako slijedi:

**AMANDMAN I**

U Prijedlogu Budžeta Grada Sarajeva za 2020. godinu, iznos na poziciji 611.100 Bruto plaće i naknade od 3.205.00 KM mijenja se i glasi 3.105.000 KM.

Razlika od **100.000 KM** se usmjerava na novu poziciju u budžetu – Obnova i izgradnja dječijih igrališta na području gradskih općina.

**Obrazloženje:**

Analizom izvršenja budžeta Grada Sarajeva za prvih šest mjeseci 2019. može se zaključiti da će korigovani iznos budžeta za ovu namjenu bit dovoljan za izvršenje obaveza prema zaposlenicima, pod uvjetom da se taj broj ne uvećava.

S druge strane potrebno je izgraditi i obnoviti postojeća dječija igrališta kako bi bila uredna, sigurna i funkcionalna. Ako se postignu sporazumi sa općinama o zajedničkom finansiranju efekat bi mogao biti vidan i sveobuhvatan.

**AMANDMAN II**

U Prijedlogu Budžeta Grada Sarajeva za 2020. godinu, iznos na poziciji 611.200 Naknade troškova zaposlenih od 460.000 KM mijenja se i glasi 400.000 KM.

Razlika od **60.000 KM** se usmjerava na način da se

- 40.000 KM planira na novu poziciju u budžetu – Subvencioniranje škole plivanja Olimpijskog bazena Sarajevo za djecu iz socijalno ugroženih porodica.
- Preostali iznos od 20.000 KM usmjerava se na novu budžetsku poziciju-Program subvencioniranja plivačkih programa za penzionere, na Olimpijskom bazenu Sarajevo.

**Obrazloženje:**

Analizom izvršenja budžeta Grada Sarajeva za prvih šest mjeseci 2019. može se zaključiti da će korigovani iznos budžeta za ovu namjenu bit dovoljan za izvršenje obaveza prema zaposlenicima, pod uvjetom da se taj broj ne uvećava.

S druge strane potpuno opravdano je da se pomogne roditeljima koji su u stanju socijalne potrebe da i njihova djeca savladaju vještinu plivanja.

Također, potrebno je pokazati odgovornost prema penzionerima i omogućiti im subvencioniranu cijenu za korištenje gradskog bazena čime se povećava njihov kvalitet života. Na koncu, na taj način se pomaže i JP čiji je osnivač Grad Sarajevo.

### AMANDMAN III

U Prijedlogu Budžeta Grada Sarajeva za 2020. godinu, iznos na poziciji 613.100 Putni troškovi-Prevoz, smještaj i dnevnice na sl. putovanju u iznosu od 159.500 KM mijenja se i glasi 85.500 KM.

Razlika od **74.000 KM** usmjerava se na novu poziciju u budžetu – Nabavka korpica za smeće na potezu od Higijenskog zavoda do Bašćaršijskog trga.

#### **Obrazloženje:**

Analizom budžeta u posljednjih pet godina primjetno je enormno povećanje troškova na ovoj budžetskoj stavci u aktuelnom mandatu, bez vidljivih efekata trošenja tolikog iznosa novca. Obzirom na tu činjenicu potrebno je troškove racionalizirati na nivo maksimalnih izdataka u prošlom mandatnom periodu.

S druge strane potrebno je povećati broj i obnoviti postojeće korpice za smeće u centralnoj gradskoj zoni u kojoj je najveća frekvencija sugrađana kao i turista. To će doprinijeti čistijem gradskom jezgru, ali i popraviti opći dojam o čistoći grada.

### AMANDMAN IV

U Prijedlogu Budžeta Grada Sarajeva za 2020. godinu, iznos na poziciji 613.200 Izdaci za energiju od 127.000 KM mijenja se i glasi 100.000 KM.

Razlika od **27.000 KM** usmjerava se na novu poziciju u budžetu – Participacija za članarine u sportskim klubovima za djecu čije su porodice u stanju socijalne potrebe.

#### **Obrazloženje:**

Analizom izvršenja budžeta Grada Sarajeva za prvih šest mjeseci 2019. može se zaključiti da će korigovani iznos budžeta za ovu namjenu bit dovoljan za izmirenje navedenih troškova.

S druge strane djecu čije su porodice u stanju socijalne potrebe treba pomoći da se uključe u sportske aktivnosti prema njihovoj želji i afinitetu čime će se ublažiti diskriminacija na osnovu njihovog imovinskog stanja.

### AMANDMAN V

U Prijedlogu Budžeta Grada Sarajeva za 2020. godinu, iznos na poziciji 613.300 Izdaci za komunalne usluge od 109.000 KM mijenja se i glasi 90.000 KM.

Razlika od **19.000 KM** usmjerava se na novu poziciju – Obilježavanje međunarodnog dana starih 01. Oktobar, Centri za zdravo starenje na području gradskih općina

#### **Obrazloženje:**

Analizom izvršenja budžeta Grada Sarajeva za prvih šest mjeseci 2019. može se zaključiti da će korigovani iznos budžeta za ovu namjenu bit dovoljan za izmirenje navedenih troškova.

S druge strane stariji ljudi zaslužuju da se podrže njihove programske aktivnosti za 01. Oktobar međunarodni dan starih. Podrškom će se odati poštovanje prema ovoj kategoriji stanovništva i skrenuti pažnja na njihov status.

### AMANDMAN VI

U Prijedlogu Budžeta Grada Sarajeva za 2020. godinu, iznos na poziciji 613.400 Nabavka materijala od 81.800 KM mijenja se i glasi 61.800 KM.

Razlika od **20.000 KM** usmjerava se za postavljanje adekvatnih tabli sa vidnim nazivima stanica na trolejbuskoj liniji Trg Austrije-Dobrinja

**Obrazloženje:**

Analizom izvršenja budžeta Grada Sarajeva za prvih šest mjeseci 2019. može se zaključiti da će korigovani iznos budžeta za ovu namjenu bit dovoljan za izmirenje navedenih troškova. S druge strane nedopustivo je stanje da glavni grad države uopće nema vidno obilježene trolejbuske stanice ili da su postojeća obilježja skoro u potpunosti uništena. Svima onima koji nisu iz Sarajeva otežava korištenje javnog saobraćaja. Grad Sarajevo, sa Direkcijom za ceste KS, u prethodnom mandatnom periodu izvršio je postavljanje istih takvih tabli na tramvajska stajališta.

#### AMANDMAN VII

U Prijedlogu Budžeta Grada Sarajeva za 2020. godinu, iznos na poziciji 613.500 Izdaci za usluge prevoza-Gorivo i prevozne usluge od 26.000 KM mijenja se i glasi 20.000 KM. Razlika od **6.000 KM** usmjerava se na novu budžetsku poziciju –Podrška projektima dobrovoljnih vatrogasnih društava na području gradskih općina (ovom iznosu se dodaje iznos iz amandmana XVII)

**Obrazloženje:**

Analizom izvršenja budžeta Grada Sarajeva za prvih šest mjeseci 2019. može se zaključiti da će korigovani iznos budžeta za ovu namjenu bit dovoljan za izmirenje navedenih troškova. S druge strane ovaj iznos će doprinijeti realizaciji manjih projekata DVD iz svih gradskih općina.

#### AMANDMAN VIII

U Prijedlogu Budžeta Grada Sarajeva za 2020. godinu, iznos na poziciji 613.900 Ugovorene usluge - Izdaci za informisanje, medije i odnose sa javnošću, štampanje, kopiranje, uvezivanje i sl. u iznosu od 219.638,70 KM mijenja se i glasi 72.638,70 KM. Razlika od **147.000 KM** usmjerava se za novu poziciju u budžetu – Hortikulturno uređenje Titove ulice od Vječne vatre do Higijenskog zavoda.

**Obrazloženje:**

Analizom budžeta u posljednjih pet godina primjetno je da je ova stavka enormno povećana bez validnog obrazloženja i razloga. U prethodnim mandatima je bila tri puta manja i to u vrijeme kada su se materijali za Gradsko vijeće štampali, a što su bili značajni troškovi. Sada se materijali za Gradsko vijeće dostavljaju u elektronskoj formi, tako da nema ni jednog racionalnog obrazloženja zašto bi ova stavka trebala ostati kako je predložena. S druge strane u ranijem periodu u centralnom dijelu Titove ulice bile su postavljene žardinjere sa ukrasnim cvijećem koje su koje su oplemenile ovu centralnu gradsku ulicu. Obzirom da je veliki broj žardinjera oštećen, naknadno su ukonjene. Treba ponovo hortikulturno urediti ovu ulicu i učiniti je još ljepšom građanima Sarajeva kao i turistima,

#### AMANDMAN IX

U Prijedlogu Budžeta Grada Sarajeva za 2020. godinu, iznos na poziciji 613.900 Ugovorene usluge-Usluge reprezentacije od 107.000 KM mijenja se i glasi 50.000 KM.

Razliku od **57.000 KM** prebaciti na 614.300 rb. 39 Projekat "Roditeljska kuća" Sarajevo – Udruženje Srce za djecu koja boluju od raka tako da će na ovoj poziciji biti 77.000 KM.

#### **Obrazloženje**

Analizom budžeta u posljednjih pet godina primjetno je da je ova stavka povećana bez validnog obrazloženja. Komparirajući troškove za ove potrebe u prethodnom mandatnom periodu primjetna je enormna rastrošnost u ovom mandatu za potrebe reprezentacije. To se mora racionalizirati jer se razlika u novcu može puno racionalnije i humanije upotrijebiti.

S druge strane plemenito je snažnije podržati Udruženje koje brine o djeci koja boluju od raka. Njima nikada ne može biti previše novaca, obzirom na potrebe ove djece i njihovih roditelja dok borave u roditeljskoj kući. Ne treba zaboraviti ni roditelje koji borave u stanu čiji je vlasnik Grad Sarajevo i dio sredstava za ove namjene treba usmjeriti i za njihove potrebe.

#### **AMANDMAN X**

U Prijedlogu Budžeta Grada Sarajeva za 2020. godinu, iznos na poziciji 613.900 Ugovorene usluge-Usluge protokolarnu reprezentacije od 80.000 KM mijenja se i glasi 55.000 KM.

Razliku od **25.000 KM** usmjeriti na 614.400 rb. 13 Odbrana BiH-Igman 2020. Tako da će na ovoj poziciji biti 35.000 KM.

#### **Obrazloženje**

Analizom budžeta u posljednjih pet godina primjetno je da je ova stavka za protokolarnu reprezentaciju povećana bez validnog obrazloženja. Takva rastrošnost nije primjerena stanju u kojem se nalazi naše društvo. Puno veći i bogatiji gradovi od Sarajeva se ponašaju racionalnije u trošenju za ove potrebe.

S druge strane Grad Sarajevo treba značajnije podržati centralnu manifestaciju Odbrana BiH-Igman 2019. koja obilježava herojsku odbranu cijele BiH, obzirom da je ovo centralna svečanost. Upravo radi toga je treba dostojanstveno obilježiti. Glavni grad države treba biti primjer svim gradovima i lokalnim zajednicama i pokazati da se odnosimo sa poštovanjem prema braniteljima i njihovim porodicama.

#### **AMANDMAN XI**

U Prijedlogu Budžeta Grada Sarajeva za 2020. godinu, iznos na poziciji 613.900 Ugovorene usluge-Pokloni Grada Sarajeva (vrećice, knjige, cvijeće, CD i sl.) u iznosu od 33.000 KM mijenja se i glasi 18.000 KM.

Razlika od **15.000 KM** usmjerava se na budžetsku poziciju 614.300 Grantovi neprofitnim organizacijama rb. 14 VKBI i sada ta pozicija ukupno iznosi 20.000 KM

#### **Obrazloženje**

Ova stavka je enormno povećana u odnosu na iznos planiran za 2019. godinu i to bez ijedne valjane argumentacije. Analizom izvršenja budžeta za šest mjeseci 2019. godine na ovoj budžetskoj stavci, vodljivo je da će korigovani iznos, koji nije umanjen u odnosu na iznos iz 2019., biti dovoljan za navedene potrebe.

VKBI realizira značajne projekte, između ostalog i izradu riječnika bosanskog jezika. Obzirom da se radi o velikom i višegodišnjem projektu, veoma značajnom za BiH, podrška ima višestruki značaj.

## AMANDMAN XII

U Prijedlogu Budžeta Grada Sarajeva za 2020. godinu, iznos na poziciji 613.900 Ugovorene usluge-Izrada replike Sebilja, poklon gradovima od 120.000 KM, briše se.

Iznos od **120.000 KM** usmjerava se na novu poziciju u budžetu – Izrada horizontalnih linija za parkiranje i uređenje javnih parkinga na području četiti gradske općine.

### **Obrazloženje:**

Radi se o budžetskoj stavci koja uopće nema obrazloženja. Nema nikakve informacije vezano za ovaj projekat. To je neracionalno trošenje i takav luksuz ne možemo priuštiti. Slične projekte možda mogu sebi priuštiti bogati gradovi u svijetu, ali Sarajevo ne.

S druge strane, veliki broj javnih parkinga u Sarajevu uopće nema obilježenih parking mjesta ili ih je potrebno obnoviti. Nedostaju korpice za smeće, prljavi su i zapušteni. Ovo ulaganje će doprinijeti ne samo vizuelnom izgledu već i višem nivou reda i u konačnici racionalnijem korištenju parking prostora kojeg sve manje u odnosu na potrebe. Potrebno je i očistiti i urediti javne parkinge.

## AMANDMAN XIII

U Prijedlogu Budžeta Grada Sarajeva za 2020. godinu, iznos na poziciji 613.900 Ugovorene usluge-Stručne usluge od 20.000 KM, mijenja se i iznosi 15.000 KM.

Razlika od **5.000 KM** usmjerava se na poziciju 614.300 rb. 11 Savez udruženja osoba savez udruženja osoba sa cerebralnom paralizom FBiH.

### **Obrazloženje:**

Analiza izvršenja budžeta za prvih šest mjeseci pokazuje da je preostali iznos dostatan za potrebe koje su izražene na umanjenoj poziciji. Uz to treba imati racionalniji pristup kod trošenja javnog novca.

S druge strane podrška ovoj ranjivoj kategoriji sugrađana ranije je bila planirana u budžetu Grada Sarajeva i podrška sa tim iznosom je najmanje što Grad Sarajevo može uraditi za porodice koje se nose sa ovim problemom.

## AMANDMAN XIV

U Prijedlogu Budžeta Grada Sarajeva za 2020. godinu, iznos na poziciji 613.900 Ugovorene usluge-Izdaci za ugovorene usluge, doprinos i porez od 107.000 KM mijenja se i iznosi 90.000 KM.

Razlika od **17.000 KM** usmjerava se na novu poziciju u budžetu-Finansijska podrška realizaciji projekta obnove osvjetljenja i video nadzora u kompleksu Stare pravoslavne crkve na Baščaršiji

### **Obrazloženje:**

Mora se racionalizirati ovakva vrsta troškova i svesti se na razuman nivo. Potrebna je veća finansijska disciplina i racionalno korištenje budžetskog novca. Korigovani iznos je više nego dovoljan, ako se uzme u obzir nivo troškova u ranijem mandatnom periodu.

S druge strane Grad Sarajevo treba podržati navedni projekat i na taj način pokazati da želi zaštititi i istaći vrijednost ovog kulturno-historijskog spomenika.

## AMANDMAN XV

U Prijedlogu Budžeta Grada Sarajeva za 2020. godinu, iznos na poziciji 613.900 Ugovorene usluge-Ostale usluge (web stranica, prevođenje, teh usluge, snimanje, članarine), od 107.520 KM mijenja se i iznosi 90.520 KM.

Razlika od **17.000 KM** usmjerava se na sljedeći način:

- Na budžetsku poziciju 614.400 rb. 21. Sporazum o saradnji na osnaživanju obrtničke djelatnosti sa Obrtničkom komorom KS usmjerava se iznos od 10.000 KM tako da je ukupan iznos na poziciji, 20.000 KM
- Na novu budžetsku poziciju Izgradnja Adbesthane uz Džamiju Hadži Sulejman Čokdžijau u Ul. Jedileri usmjerava se iznos od 7.000 KM.

### Obrazloženje:

Analizom izvršenja budžeta za šest mjeseci u 2019. vidi se da je korigovani iznos sasvim dostatan za navedene potrebe u 2020. Naravno, trebat će se racionalno i odgovorno odnositi kako bi sve navedene potrebe bile isfinancirane.

S druge strane Grad Sarajevo ima statutanu obavezu podrške projektima koji se tiču lokalnog biznisa i ovo je simboličan iznos kojim to čini. Obrtnici o svojim radom višestruko vraćaju u budžete svih nivoa, pa tako i u budžet Grada Sarajeva.

Grad Sarajevo treba pomoći u svakoj prilici sugrađanima da što lakše obavljaju svoje vjerske obaveze i predloženi iznos je na simboličnoj razini i takav karakter ima ovaj prijedlog.

## AMANDMAN XVI

U Prijedlogu Budžeta Grada Sarajeva za 2020. godinu, iznos na poziciji 613.900 Svečano otvorenje Olimpijskog muzeja od **20.000 KM**, briše se.

- Iznos od 5.000 KM na 614.100 rb. 5 Obilježavanje godišnjice ZOI 84
- Dodatnih 5.000 KM na 614.300 rb. 50 Udruženje oboljelih od morbus crohn i ulcerozni kolitis u BiH.
- Ostatak od 10.000 KM na 614.400 rb. 34. Subvencioniranje cijene ulaznica koje plaćaju penzioneri u Narodnom pozorištu, Kamernom teatru i drugim pozorištima na području Kantona Sarajevo.

### Obrazloženje:

Svečano otvorenje obnovljenog Olimpijskog muzeja je događaj Olimpijskog komiteta BiH koji je investitor i rukovodi projektom obnove. Nikakve obaveze u tom smislu ne treba imati Grad Sarajevo i sama činjenica da je iz gradskog budžeta isplaćeno za sufinansiranje obnove na stotine hiljada KM je sasvim dovoljan razlog da ne ulazimo u nove bespotrebne i troškove, niti je pristojno da taj događaj svojatamo.

S druge strane, tradicionalno Grad Sarajevo simbolično pomaže događaje kojim se prisjećamo olimpijade iz 1984. I tu tradiciju ne treba prekidati.

Također, humano je bar simbolično podržati aktivnosti udruženja koje okuplja osobe koje se bore za bolji položaj oboljelih.

Grad Sarajevo je u budžetu 2019. Planirao sredstva kojima se olakšava posjeta pozoristima penzionera čija su primanja nedostatna da bi mogli plaćati, za njih skupe ulaznice. Također to planiramo i u narednoj godini učiniti. Na ovaj način želimo poboljšati njihovu kvalitetu življenja.

## AMANDMAN XVII

U Prijedlogu Budžeta Grada Sarajeva za 2020. godinu, iznos na poziciji 614.300 rb. 12 Koncert povodom zatvaranja ljetne turističke i festivalske sezone od 30.000 KM, briše se.

Iznos od 30.000 KM se raspoređuje na sljedeći način:

- 20.000 KM - Finansijska pomoć porodicama ubijenih policajaca na Alipašinu polju.
- 10.000 KM-Implementacija projekata NVO „Svitanje“ djece povratnika koji dolaze u posjetu Sarajevu

### **Obrazloženje:**

Ako koncert nije namjenjen širem auditoriju, na otvorenom, onda nema smisla trošiti toliki novac kako bi se koncert održao za mali broj građana ili političku elitu. Također, ako izvođači nisu atraktivni, planirani iznos za organizaciju je prevelik. Pošto u obrazloženju nema podataka o ovoj namjeri, onda nema elementarnih pretpostavki da se podrži.

Ubistvo policajaca je atak na državu i njen poredak i država mora odgovoriti i na način da njihovim porodicama, a naročito djeci pruži kakvu takvu finansijsku podršku. Svakako bi bilo potrebno i humano da se ova pomoć isplaćuje svake godine sve do punoljetstva djece koja su ostala iza ubijenih očeva.

Rad udruženja „Svitanje“ je human i već 11 godina redovno dovode povratničke učenike iz RS-a na sedmodnevne izlete u Sarajevo. Djeca se druže, upoznaju glavni grad i obilaze znamenitosti. Obzirom da su njihove porodice povratničke, većini djece je dolazak finansijski teško dostupan. Zato njihov glavni grad treba da im pruži podršku.

## AMANDMAN XVIII

U Prijedlogu Budžeta Grada Sarajeva za 2020. godinu, iznos na poziciji 614.300 Grantovi neprofitnim organizacijama rb. 23 Dobrovoljno vatrogasno društvo „Vratnik“ iznos od 30.000 KM, briše se.

Kompletan iznos od **30.000 KM** se preusmjerava na novu budžetsku poziciju – Podrška projektima dobrovoljnih vatrogasnih društava (DVD) na području gradskih općina.

### **Obrazloženje:**

Obzirom na doprinos DVD u spašavanju života i imovine, zalužuju pomoć za realizaciju svojih projekata. Zato je potrebno svim DVD na gradskom području pružiti podjednaku pomoć. Dati samo jednom bilo bi nepravедno i nekorektno. Svi su zaslužili podršku i svima treba dati podršku.

Napominjemo da se ovom iznosu ima pridružiti iznos iz amandmana VII tako da je ukupan iznos 36.000 KM na ovoj poziciji.

## AMANDMAN XIX

U Prijedlogu Budžeta Grada Sarajeva za 2020. godinu, iznos na poziciji 615.000 Kapitalni grant-rb. 8 Projekat hotel Vidikovac od 2.500.000 KM mijenja se i iznosi 100.000 KM.

Razlika od **2.400.000 KM** usmjerava se na nove pozicije u budžetu:

- 500.000 KM-Sufinansiranje obnove vrtića „Vjeverica“ na Alipašinom polju
- 150.000 KM-Postavljanje zaštitnih pregrada u svim domovima zdravlja na području grada Sarajeva kojima će se odvojiti zdrava od bolesne djece



- 200.000 KM - Uspostava audio-vizuelnog sistema za prozivku pacijenata u domovima zdravlja na području gradskih općina
- 100.000 KM- Održavanje i obnova rasvjete koja je finansirana iz budžeta Grada Sarajeva
- 40.000 KM-Izrada (revizija) projektne dokumentacije za obnovu Carevog mosta
- 200.000 KM-Uređenje centralnih parkovskih površina u svakoj od četiri gradske općine
- 50.000 KM-Obnova javnih toaleta ispod Gradske tržnice i u Vilsonovom šetalištu
- 100.000 KM-Uređenje parking prostora na Trebeviću
- 150.000 KM-Izrada studije izvodljivosti i projektne dokumentacije za trebevičku bob stazu
- 50.000 KM-Rekonstrukcija toaleta u OŠ „Edhem Mulabdić“
- 50.000 KM-Izgradnja dva toaleta na šetnici Dariva
- 50.000 KM-Osvjetljenje tunela na šetnici Dariva
- 20.000 KM-Osvjetljenje penjačke stijene na Darivi
- 50.000 KM-na konto 614400 rb.23 Podizanje spomenika od značaja za Grad Sarajevo sa ukupnim iznosom 70.000 KM
- 100.000 KM-Izrada planske dokumentacije za podizanje Sportsko-rekreacionog centra Bazeni-Bentbaša
- 20.000 KM-na konto 614.400 rb. 28 Projekat izdavanja časopisa Bosniaca NUB BiH i drugi projekti od značaja za NUB BiH
- 10.000 KM-Specijalna olimpijada u organizaciji Udruženja za podršku osobama sa intelektualnim teškoćama na području KS Oaza
- 50.000 KM-Sufinansiranje projektnih aktivnosti na prostoru Park šuma Mojnilo
- 50.000 KM-Sufinansiranje rekonstrukcije Olimpijskog trga na Mojnilu
- 50.000 KM-Podrška humanitarnim projektima NVO Pomozi.ba
- 310.000 KM-Ekološka sanacija deponije smeća Smiljevići
- 80.000 KM – Preporod, Napredak, Prosvjeta i La Benevolencija
- 10.000 KM – Škola fudbala „Respekt“ Sarajevo za projektne aktivnosti
- 10.000 KM – Humanitarna organizacija „Ruku na srce“ Sarajevo

### **Obrazloženje:**

Iz obrazloženja budžeta za izgradnju hotela Vidikovac predlagač je najavio da bi Grad Sarajevo trebao u 2020 god da investira u ovaj objekat 2,4 miliona javnog novca, a ukupno pet miliona KM i to sve da bi taj objekat na kraju preuzeo neki privatni obrtnik. To praktično znači da bi trebali javnim novcem graditi objekat koji će kasnije koristiti privatna kompanija i koje će ubirati profit. Nije jasno da li je autor obrazloženja toliko neuk ili je riječ o nedopustivoj bahatosti. Ovaj projekat ne predstavlja revitalizaciju nekadašnjeg restorana Vidikovac. Sada se gradi hotel na mjestu gdje nikada nije bio. Nema bilo kakve ozbljne studije da će hotel biti isplativa investicija. Zašto se nije išlo na obnovu nekadašnjeg restorana, što bi bilo optimalno rješenje. U svakom slučaju izgubljene su tri godine, a da se na tom lokalitetu ništa nije radilo iako je idejno rješenje bio gotovo još krajem 2016. Ništa u vezi ovog projekta ne ulijeva povjerenje. Dok se ne postupi na metodološki ispravan način, ne može se pristati na značajnija izdvajanja za ovaj projekat. Zato najveći dio tog novca treba usmjeriti na projekte koji su od koristi građanima i koji mogu biti realizirani u 2020.

Vrtić „Vjeverica“ je najveći takav objekat u Općini Novi Grad i jedini na Alipašinu polju gdje je najveći broj djece predškolskog uzrasta. Sa predloženim iznosom zaokružila bi se finansijska konstrukcija, a objekat bi se vjerovatno mogao završiti i u toku 2020. Godine.

Investiranje u zaštitu zdravlja djece je uvijek opravdana investicija. U konkretnom slučaju želi se smanjiti rizik prenosa zaraznih oboljelnja sa bolesne djece na zdravu djecu koja dolaze na

sistematske preglede i preventivnu vakcinaciju. Projekat bi se realizirao u svim domovima zdravlja na području grada.

Uspostava audio-vizuelnog sistema za prozivku pacijenata je civilizacijska potreba jer je sada stanje haotično

i neuređeno. Sistem je zamišljen kao u općinskim šalter salama. To bi uvelo više reda i smanjilo nervozu kod pacijenata i olakšalo posao ljekarima i medicinskom osoblju u domovima zdravlja. Održavanje i obnova rasvjete nameće se kao imperativ Gradu Sarajevo za one projekte koji su finansirani iz gradskog budžeta. Radi se uglavnom o najatraktivnijim lokacijama u gradu. Uglavnom se te rasvjete nedovoljno kvalitetno održava što narušava svrsishodnost prvobitne investicije. Neke pozicije je potrebno obnoviti i postaviti energetski prihvatljivija rasvjetna tijela.

Carev most je jedan od najprometnijih starih mostova u Sarajevu, a nalazi se u veoma zapuštenom stanju.

Krajnje je vrijeme da se planira njegova temeljita rekonstrukcija. Izrada ili revizija projektne dokumentacije je jedan od osnovnih koraka.

Građani Sarajeva trebaju imati uređene i funkcionalne parkove gdje će sve generacije, a naročito djeca i penzioneri imati puni ugođaj. U svakoj od gradskih općina bi se ovaj projekat realizirao. Grad Sarajevo je prije više od 10 godina obnovio toalet ispod Gradske tržnice i izgradio novi na Vilsonovom šetalištu. Vrijeme je da se pristupi temeljitoj obnovi i osavremenjenju ovih toaleta koje koriste veliki broj građana i turista.

Vikendima vlada nered na parkinzima u okolini hotela Pino nature. Bilo bi potrebno označiti parking mjesta i uspostaviti red, čišćenje, po mogućnosti nadzor i naplatu parkinga

Trebevička bob staza je jedan od istinskih simbola olimpijskog Sarajeva i jedan od najprepoznatljivijih olimpijskih objekata. Obzirom na deficitarnost takvih objekata, ali i na provjerenu kvalitetu izvedbe ove staze, velika je vjerovatnoća da bi njeni kapaciteti bili popunjeni, a bili bi u prilici da ubrzo dobijemo jedno od prestižnih svjetskih takmičenja. Izrada planske dokumentacije je prvi korak koji bi stvorio pretpostavke da se traže partneri za sufinansiranje izvan Bosne i Hercegovine.

Toaleti u OŠ „Edhem Mulabdić“ ne pružaju minimalne higijenske uvjete za osnovce ove škole. Potrebna je hitna rekonstrukcija koja se može okončati tokom 2020. Godine.

Šetnica Dariva je jedno od najfrekventniji šetnica u Sarajevu, naročito u dane vikenda i u vrijeme praznika. Obzirom na veliku frekvenciju pješaka nameće se kao elementarna potreba izgradnja WC-a.

Stari tunel na šetnici Dariva je potpuno neosvjetljen iako je velika frekvencija pješaka na ovom potezu. Njegovim osvjetljenjem učinio bi se sigurnijim, ali i atraktivnijim.

Penjačka stijena na Darivi je veoma atraktivna i konstantno je u upotrebi. Njeno osvjetljenje produžilo bi vrijeme njenog korištenja, a poboljšala bi se i sigurnost penjača. Vizuelno bi to bila atrakcija vidljiva i sa veće udaljenosti.

Ukoliko se žele realizirati sve obaveze koje se tiču podizanja spomenika od interesa za Grad Sarajevo, onda su neophodna predložena finansijska sredstava.

Kompleks bazena Bentbaša je u zapuštenom stanju, zaprljan i okupljalište skitnica i narkomana. Treba sistemski i metodološki ispravno doći do najboljeg rješenja sa krajnjim ciljem da se izgradi manji SRC. Prvi potez je izrada planske dokumentacije.

Grad Sarajevo tradicionalno podržava izdavanje časopisa Bosniaca, ali obzirom na značaj NUB-a BiH i neriješen status i nesistemsko finansiranje, smatramo da je racionalno i korisno podržati još neke, manje projekte.

Specijalna olimpijada u Organizaciji NVO Oaza je tradicionalnog karaktera i ima veliki značaj za učesnike ovog događaja i njihove porodice. Humano je podržati ovaj događaj i izraziti poštovanje prema ovim osobama koji se trude biti uspješni u tim aktivnostim.

U prostoru Park šume Mojmilo se sukcesivno implementiraju projekti kojim se podiže kvalitet sadržaja za korisnike ovog atraktivnog prostora. U podnožju se nalaze najmnogoljudnija naselja u Sarajevu i njihovi stanovnici trebaju imati u prirodi uređenu oazu mira koju čini Park šume Mojmilo.

Olimpijsko selo Mojmilo ima historijski značaj obzirom na činjenicu da su u ovom naselju bili smješteni olimpijci, učesnici ZOI 84. Zato je potrebno obnoviti ovaj prostor i na taj način očuvati sjećanje na taj historijski događaj za Sarajevo, BiH i bivšu Jugoslaviju

Pomozi.ba je jedna od najznačajnijih humanitarnih organizacija u Sarajevu i BiH. Ona daje veliki doprinos za zbrinjavanje imigranata, kao i ostalih građana koji su u stanju socijalne potrebe. Fascinira posvećenost aktivista Pomozi.ba da pomognu ljudima u nevolji i zato zaslužuju podršku u svom radu.

Deponija Smiljevići ugrožava stanovnike koji žive u neposrednoj blizini, ali utiče na nezdravo okruženje za građane Novog Grada. Zapušteno stanje se mora početi sanirati i Grad Sarajevo treba dati svoj doprinos, tim prije što se radi o izuzetno skupom projektu i svi organi vlasti trebaju dati podršku.

Škola fudbala „Respekt“ nastala je 2014. godine i prva je, i jedina škola fudbala u svijetu, koja je besplatna za svu djecu. Od osnivanja besplatne Škole fudbala „Respekt“, pruža se prilika da se djeca sa poteškoćama u razvoju, tipična djeca i djeca iz vulnerabilne romske populacije bez obzira na socijalni status uključe u sport i da imaju mogućnost ravnopravnog učešća u fudbalskim takmičenjima. Škola fudbala namijenjena je prije svega u zdravstveno-odgojne svrhe i glavni cilj je sprečavanje devijantnog ponašanja, pretilosti i sportska socijalizacija djece.

Škola trenutno ima 153 polaznika (dječaka i djevojčica), starosne dobi od 4 do 16 godina. Osoblje angažovano na projektu su kvalifikovani stručnjaci iz različitih oblasti, uz stalne trenere uspostavljena je saradnja sa Fakultetom sporta (FASTO), a sve kao izraz potrebe za stvaranjem jedinstvenog saveza pojedinaca i grupa koje pred sobom imaju viziju o realizaciji punog potencijala svakog djeteta, bilo ono sa poteškoćama u razvoju ili ne. Osim značajnog poboljšanja kvaliteta života djece i njihovih porodica i ostvarivanja njihovih osnovnih ljudskih prava, kao najvažnijeg krajnjeg cilja, kroz školu fudbala možemo uticati na promjene u ponašanju djeteta (učenje, govor, druženje, interesovanja, osamostaljivanje, poslušnost, nivo frustracije, itd.). Škola fudbala „Respekt“ dvostruki je dobitnik priznanja Sportskog saveza Bosne i Hercegovine, kao i Američke ambasade za izvrsnost. Ove godine, dobitnik je nagrade UNICEF-a "Šampion inkluzije", te one najveće, UEFA Children Award.

Humanitarna organizacija "Ruku na srce" osnovano je 2011. godine u Sarajevu godine sa ciljem olakšati svakodnevicu porodicama koje su socijalno ugrožene i primarno se nalaze na području Kantona Sarajevo; od toga najveći broj porodica korisnika dolaze sa područja općine Novi Grad Sarajevo.

„Ruku na srce“ su osnovali studenti te i današnji volonteri najvećim dijelom pripadaju toj skupini. Aktivno djeluje oko 100 volontera, a u proteklih nekoliko godina u organizaciji je sudjelovalo preko 500 volontera.

Udruženje godinama povezuje ljude različite struke i godina kroz donatore, volontere i projekte.

Od osnivanja do danas, organizacija je usrećila i pomogla preko 5000 korisnika.

Centar "Ruku na srce" postao je mjesto gdje građani mogu donirati hranu i odjeću, a ljudi u potrebi mogu doći i dobiti ono što trebaju i nalazi se u općini Novi Grad Sarajevo na adresi Esada Pašalića br. 8.

Glavni cilj je pomoć socijalno ugroženim obiteljima kroz različite projekte koje realizujemo tokom godine. Važno je naglasiti da su svi članovi organizacije isključivo volonteri. Od svog osnivanja 2011. godine, RNS tim je uspio poboljšati mnoge živote i nasmijati puno djece.

Projekti RNS-a koji se realizuju toku godine su veliki, a neki od njih su:

- Nijedno dijete bez paketića

“Nijedno dijete bez paketića” je humanitarni projekat u okviru kojeg Udruženje “Ruku na srce” nastoji obezbijediti novogodišnje paketiće za djecu iz socijalno ugroženih porodica. Tokom prve realizacije projekta, 2010. godine, pripremljeno je i podijeljeno 260 novogodišnjih paketića najmlađima. 2019. godine ta brojka dostigla je čak 1.750 paketića, koji su podijeljeni mališanima školskog i predškolskog uzrasta sa područja Kantona Sarajevo, ali i čitave Bosne i Hercegovine.

- Bajram je radost za svako dijete

“Bajram je radost za svako dijete” projekat je kojim volonteri je humanitarni projekat u okviru kojeg Udruženje “Ruku na srce” nastoji obezbijediti bajramske paketiće za djecu iz socijalno ugroženih porodica. Realizuje se od 2016. godine. Cilj projekta je prikupljanje i podjela bajramskih paketića za mališane iz socijalno ugroženih porodica. Broj paketića iz godine raste a 2019. godine broj podjeljenih paketića bio je veći od 400.

- Od srca za nju

Od 2019. godine po prvi put je realizovan projekat “Od srca za nju”. Cilj ovog projekta jeste obezbijediti što veći broj higijenskih potrepština za pripadnice ženskog spola, slabijeg imovinskog stanja, te im na taj način uljepšati Dan žena. 8. marta 2019. godine podjeljeno je 80 poklon paketa.

- Vama nepotrebno nekome korisno

Svakog vikenda u prostorijama Humanitarne organizacije “Ruku na srce” imaju priliku odabrati odjeću koja im je potrebna. Odjeća se prikuplja direktnim donacijama građana u prostor ili u dva kontejnera za odjeću koja se nalaze u Srednjoj školi metalških zanimanja i Osnovnoj školi “Mehmed-beg Kapetanović Ljubušak”. Projekat se uspješno realizuje od 2012. godine.

- Opremimo djecu za školu

Imajući u vidu da početak školske godine sa sobom nosi i značajne izdatke za roditelje, cilj projekta je pomoći djeci iz porodica teškog materijalnog stanja, kako bi mališani mirmo krenuli u novu školsku godinu. Od 2017. iz godine u godinu projektom se obraduje više od 100 mališana.

- Igraonice i druženja

Od 2015. godine, nekoliko puta godišnje volonteri Humanitarnog udruženja “Ruku na srce” zajedno sa mališanima iz socijalno ugroženih porodica posjećuju izletišta, planine, dječije predstave, sportske događaje, igraonice i druga mjesta za zabavu najmlađih.

- Donacije hrane

Nekoliko puta mjesečno volonteri Humanitarnog udruženja “Ruku na srce” posjećuju korisnike Udruženja i tom prilikom im uručuju donacije hrane koje su prikupljene direktnim i

novčanim donacijama građana i prijatelja Udruženja. Ovaj projekat se realizira od 2012. godine.

## AMANDMAN XX

U Prijedlogu Budžeta Grada Sarajeva za 2020. godinu, iznos na poziciji 615.000 Kapitalni grant-Zaštita, konzervacija, prezentacija i rehabilitacija historijske građevine-Zgrada željezničke stanice Bistrik u Sarajevu od 800.000 KM mijenja se i iznosi 100.000 KM.

Razlika od **700.000 KM** usmjerava se na nove pozicije u budžetu:

- 300.000 KM-Sufinansiranje projekata za osavremenjenje prostora i opreme u Zavodu za zbrinjavanje mentalno invalidne djece i omladine Pazarić
- 170.000 KM- na konto 614.200 rb. 3 Stipendiranje učenika osnovnih i srednjih škola iz socijalno ugroženih porodica
- 230.000 KM-Zamjena rasvjetnih tijela u centralnim parkovima u gradskim općinama sa rasvjetom visoke energetske učinkovitosti

### Obrazloženje:

Uopće ne postoji obrazloženje za utrošak novca na ovoj poziciji. Već sada je sasvim izvjesno da u mandatnom periodu neće biti priveden objekat svojoj krajnjoj namjeni, mada niko još uvijek ne zna za koje bi potrebe trebala biti nekadašnja bistrička stanica. Nikakva planska dokumentacija nije urađena i krenulo se u nešto što nikome nije jasno kako i kada će se okončati. Zato je potrebno preusmjeriti većinu sredstava za potrebe za koje je realno da će biti okončane u narednoj godini. U međuvremenu treba pristupiti metodološki ispravnom pristupu izrade planske dokumentacije, studije izvodljivosti itd. Kada se uradi ozbiljna analiza i o tome izvjesti Gradsko vijeće, tada treba odlučiti šta dalje raditi sa ovim projektom.

Nakon saznanja u kakvim uvjetima borave štitenici Zavoda, ni jedan nivo vlasti ne bi trebao ostati po strani već se aktivno uključiti u rješavanje nagomilanih problema. Grad Sarajevo želi učestvovati u otklanjanju problema i potaknuti i druge da se zajedničkim snagama dođe do optimalnih rješenja koja će učiniti štitenicima adekvatne i prijatne uvjete za boravak u ovoj ustanovi.

Ne smije se dozvoliti da se fond za ove osjetljive kategorije prepolovi kada su potrebe na prošlogodišnjem nivou. Djeca čiji su roditelji oskudnijeg imovinskog stanja ne smiju trpjeti posljedice jednog takvog stanja. Zato treba zadržati iznos na prošlogodišnjem nivou.

Osvjetljenjem modernom rasvjetom u centralnim parkovima u gradskim općinama pored energetske uštede, stvara se sigurniji i ljepši ambijent u parkovima po noći. Uz sufinansiranje općina i KS mogu se postići izuzetni rezultati.

Sarajevo, 13.12.2019.

Podnosioci amandmana:

Toni Vukadin (NiP)



Almedin Miladin (NiP)



Adnan Talić (NBL)

- Dado Stojnić (NBL)

Lana Velić (DF)

Miroslav Živanović (SDP)

tony Vukadin [vukadintony@yahoo.com]

**Poslano:** 13. prosinca 2019. 15:40:50

**Prima:** gsgv; pisarnica

**Privici:** scan027275.pdf (1 MB)

Postovani,

U prilogu Vam dostavljam amandmane grupe vijećnika. Amandmane smo potpisali kolega Miladin i ja a ostatak vijećnika će ih potpisati naknadno. Napominjem da nas je na sjednici Mandatsko imunitetske komisija služba vijeća izvjestila da se amandmani mogu na ovaj način podnijeti do 16 sati sati, te da se isto nalazi i u zapisniku komisije.

Ukoliko bude nekih nejasnoca molim da me kontaktirate.

S poštovanjem,

Toni Vukadin, gradski vijećnik

----- Forwarded Message -----

**From:** justud skener <justudsarajevo@yahoo.com>

**To:** "vukadintony@yahoo.com" <vukadintony@yahoo.com>

**Sent:** Friday, December 13, 2019, 03:34:04 PM GMT+1

**Subject:**

-----  
Skenirano sa Kyocera ECOSYS M4125idn uredjaja  
-----

**amandmani**

tony Vukadin [vukadintony@yahoo.com]

**Poslano:** 13. prosinca 2019. 15:45:57**Prima:** gsgv; pisarnica**Privici:** amandmani grupa vijecnika.pdf (1 MB)

Postovani,

U prilogu Vam dostavljam amandmane grupe vijecnika. Amandmane smo postpisali kolega Miladin i ja a ostatak vijećnika će ih potpisati naknadno. Napominjem da nas je na sjednici Mandatsko imunitetske komisija sluzba vijeća izvjestila da se amandmani mogu na ovaj način podnijeti do 16 sati sati, te da se isto nalazi i u zapisniku komisije.

Ukoliko bude nekih nejasnoca molim da me kontaktirate.

S poštovanjem,

Toni Vukadin, gradski vijećnik



**Fw: amandmani**

tony Vukadin [vukadintony@yahoo.com]

**Poslano:** 13. prosinca 2019. 15:49:44

**Prima:** gsgv; pisarnica

**Privici:** amandmani grupa vijecnika.pdf (1 MB)

----- Forwarded Message -----

**From:** tony Vukadin <vukadintony@yahoo.com>

**To:** gsgv@sarajevo.ba <gsgv@sarajevo.ba>; pisarnica@gradskovijece.sarajevo.ba  
<pisarnica@gradskovijece.sarajevo.ba>

**Sent:** Friday, December 13, 2019, 03:45:57 PM GMT+1

**Subject:** amandmani

Postovani,

U prilogu Vam dostavljam amandmane grupe vijecnika. Amandmane smo postpisali kolega Miladin i ja a ostatak vijecnika ce ih potpisati naknadno. Napominjem da nas je na sjednici Mandatsko imunitetske komisija sluzba vijeća izvjestila da se amandmani mogu na ovaj način podnijeti do 16 sati sati, te da se isto nalazi i u zapisniku komisije.

Ukoliko bude nekih nejasnoca molim da me kontaktirate.

S poštovanjem,

Toni Vukadin, gradski vijećnik